

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06, 13/11 i 15/17), člana 5. tačka g) Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu („Službene novine Tuzlanskog kantona“, br. 10/08 i 8/15), a u vezi sa nastalom situacijom usljed poplava i klizišta na području Tuzlanskog kantona, na prijedlog Kantonalnog štaba civilne zaštite, Vlada Tuzlanskog kantona na sjednici održanoj dana 13.06.2023. godine, donosi

O D L U K U

o proglašenju stanja prirodne nesreće uzrokovane poplavama i klizištima na području Tuzlanskog kantona

I

Proglašava se stanje prirodne i druge nesreće na području Tuzlanskog kantona prouzrokovane poplavama i klizištima od 13.06.2023. godine.

II

Radi zaštite i spašavanja ljudi i materijalnih dobara na ugroženom području, Vlada Tuzlanskog kantona nalaže:

- da svi organi uprave i upravne organizacije, pravna lica i druge institucije stave sve resurse na raspolaganje Kantonalnom štabu civilne zaštite (u daljem tekstu: KŠCZ), te da nadležni općinski i gradski štabovi civilne zaštite također stave na raspolaganje sve resurse, koji će se prema planovima zaštite i spašavanja ljudi i materijalnih dobara koristiti na ugroženim područjima;
- svim organima uprave i upravnim organizacijama da organiziraju rad na način da u cjelosti mogu izvršavati naredbe KŠCZ;
- KŠCZ da po potrebi koristi sva ovlaštenja navedena u članu 21. Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu i drugim propisima, od dana proglašenja stanja prirodne nesreće, do donošenja odluke o prestanku tog stanja.

III

KŠCZ je ovlašten da tokom rukovođenja akcijama zaštite i spašavanja angažuje sva neophodna materijalno - tehnička sredstva, opremu i slično, u skladu sa važećim propisima.

Sredstva za realizaciju troškova nastalih po naredbama KŠCZ za angažovanje sredstava i opreme iz prethodnog stava su obezbjeđena u Budžetu Tuzlanskog kantona, planirana za zaštitu i spašavanje, a eventualno nedostajuća sredstva će se osigurati iz budžetske rezerve i drugih finansijskih izvora, u skladu sa važećim propisima.

IV

Zadužuje se KŠCZ da, u skladu sa važećim zakonskim propisima, preduzme sve aktivnosti oko koordinacije i rukovođenja akcijama zaštite i spašavanja na ugroženom području.

V

KŠCZ je dužan o preduzetim mjerama redovno izvještavati Vladu Tuzlanskog kantona i druge organe, u skladu sa zakonom.

VI

Obavrzuju se svi rukovodioci organa uprave i upravnih organizacija Tuzlanskog kantona, odnosno rukovodioci općinskih i gradskih službi za upravu i rukovodioci pravnih lica i drugih institucija, da osiguraju provođenje naredbi štabova civilne zaštite (pružanjem pomoći i podrške u logističkim i komunalnim potrebama, snabdijevanju stanovništva, obilasku terena, procjeni nastalih šteta i drugo).

VII


Zadužuju se nadležni organi u općinama i gradovima da, u skladu sa Uredbom o jedinstvenoj metodologiji za procjenu šteta od prirodnih i drugih nesreća („Službene novine Federacije BiH“, br.75/04, 38/06, 52/09, 56/09 i 36/14), aktiviraju svoje komisije za procjenu šteta, radi izvršavanja svojih zadataka, u skladu sa navedenom Uredbom.

VIII

Ova Odluka stupa na snagu danom donošenja, traje dok se ne utvrdi prestanak trajanja prirodne nesreće na području Tuzlanskog kantona i biće objavljena u „Sužbenim novinama Tuzlanskog kantona“ i sredstvima javnog informisanja.

BOSNA I HERCEGOVINA
Federacija Bosne i Hercegovine
TUZLANSKI KANTON
VLADA

Broj: 02/1-40-14257/23
Tuzla, 13.06.2023. godine



PREMIJER KANTONA

Irfan Halilagić
Irfan Halilagić